

四庫全書

集部

欽定四庫全書

御製詩二集卷八十

古今體六十二首

戊寅六

七月朔日作

協律惟夷則載時屆素商步晨覺露重度水喜風涼樹

影增長蔭蟬聲紛夕陽情知秋信到婪熱審無妨

是日  
午後

劇熱

早桂

皋塗送到一枝芳

皋塗精舍香山藏桂處也

滿目新秋滿意香繞樹

尋花花下詠孤他數載好風光

向每以新秋駐蹕香山輒至皋塗精舍覓早桂

亦願留詠近年來以籌邊無暇而塞外賜宴遠夷率過花期而歸故戲及之

### 托和鼎行

我師攻圍賊庫車臨衝弗第四面羅舊降伯克

回部中宰桑謂

之伯克

為我用其名鄂對顯秩加

授職散秩大臣

備知彼中之形

勢悉告將臣防周遮托和鼎

地名

通塞里木

地名

賊來援者

所必過爰遣達克他那

藍翎侍衛名

瞭遂見踪跡詳寡多以

計誘賊賊遂至

達克他那緩行誘賊賊住亦住賊進則退遂引至近軍營處

請為前

導勦賊寨發師順德訥

副都統領隊大臣

率往堂堂之陣誰逆

賊賊不自量犯兩翼兩翼飛馳張鶴鵝長箭大礮如雨  
下狂猗奔亂氣消磨填溝受殺敢迴顧血流漂杵時無  
何勦賊二千四百餘傷我十數忠堪嘉是為狂猗第一  
戰遂叨

天佑威荒遐軍書日馳六百里奏函夜至披衣視賜官  
錫祿酬庸勲克城更待頒恩旨討逆伐罪非得已鯨鯢

京觀豈所喜

董其昌江山秋霽卷

慘淡秋光濯眼新  
大癡昨夜入精神  
思翁亦豈自譽董

叫絕奚妨憶古人

見其昌  
自跋語

日晶雲歛曉秋新  
江若有聲山有神  
一例鏡箋愛點筆  
同然先得是伊人

雨

七月初  
三日

德雨符秋月時晴未  
旬潤暄皆適可  
禾黍倍精神敢

解祈豐志益憐食貴民青黃猶未接出粟事平均

新穀未登

場市值稍涌命出官倉糶分五城十廠減價平糶

### 和落霍漸行

今春我師勦逆夷首戰實和落霍漸斬將塞旗早報捷  
酬勞頒賚已有差即今生解俘囚至曰渥赭特宰桑伊  
散秩大臣曾授職乃敢倡亂如鴉鵂面詢彼所致敗故  
咋舌惟歎天奪其彼衆猶有千餘騎覘知我寡設計奇  
輜重遠行誘我逐層層伏賊據險戢官軍四百始馳至

少騎示弱山之陞我進彼乃蠱涌集銃礮如雨循環施  
我軍曾無一傷者百靈擁護信有之衝鋒突入矢齊發  
賊乃喪膽紛離披鹿埵隴種各逃命大韃大膊張軍威  
殲彼屍僵近四百負傷遁者數無訾是誠

天助額手慶奮勇要亦資人為問率軍者其人誰超勇

親王家聲貽

將軍策布登扎布為超勇親王額駙策楞之子其兄成克扎布襲封親王策布登扎

布以奮勇著績爵封郡王亦賜號超勇

西直門外觀稼

逾月郊衢又不同  
隰禾原黍鬱芃芃  
可知待實期豐者  
總在宵憂曉祝中

銅雀將鳴望好秋  
憑觀信可畧消愁  
問余愁果全消未  
只待篝車報備收

新秋悅心殿

視朝有事法宮臨  
路便先茲憩悅心  
太液波瀾待風細  
瓊華峰嶺入雲深  
荷香過雨常來座  
松籟生涼正滿襟  
四壁詩題消歲月  
祇贏幾點鬢霜侵



畫峯室

紫邏青縈戶外山畫情憑足悅幾間若於藝苑尋名氏  
只在倪黃伯仲間

看畫廊

綠樹紅荷又一時爽風不斷鏡中吹恰如春夏秋冬畫  
幅幅臨窓對景披

題抱素書屋

書齋顏抱素瀟灑得天然窓畫未林疎竹階琴滴暗泉每

因悟禮後還與慎幾先略識葆光義南華齊物篇

韻琴齋

調軫拭徽都謝春溫廉折自呈惟是角徵闕意未須雲  
海移情

菴畫軒題句

適步讀畫廊高軒見菴畫來憑菴畫窓讀書隔岸對彼  
此誰主賓一例供清會景納春秋佳格突倪黃派想像  
軒有言却不勞行邁

泛舟過御河橋至春耦齋

盪槳輕舟漾鏡空  
石橋新葺飲長虹  
芰除蘆葦滋荷芰  
去惡興賢意寓中

豐澤園西池上屋  
新名春耦每臨之  
習耕罷固無多子  
較雨量晴到此時

虛白室

石縫黃緣峭倩烟  
虛堂小座宛壺天  
忝差縱目琳瑯宇  
瀟灑怡情翰墨筵  
北戶真宜夏六月  
南華恰是第三篇

個中應處

上聲

忘懷者我却先憂每惄然

### 結秀亭

亭臨七月驗幽風鋤雨犁雲凭覽中環秀當年定遠近

金史章宗紀承安元年六月幸環秀亭觀稼日下舊聞採入當在今西苑地

劭農今古意還

同

### 王蒙秋山讀書圖

林靜山深結茅宇雅是幽人讀書所疑因風度聞誦聲  
却不識為何代語

初月

碧宇秋雲散新蟾見  
允方一彎懸玉玦  
片刻度宮牆眼界  
思全體心期喜嫩涼  
西傾蔥嶺外引我繫懷長

立秋

七月初五日

七月金行入今年  
秋信遲流陰那肯駐  
素節又如斯德  
雨飄還霽是日微雨即霽  
為立秋佳占  
緒風爽乍吹對時謹平秩恭

已奉無私

朱叔重秋山疊翠

雲白林青鎖疊巒景寥趣永耐尋看大家李杜斯郊島  
少見欣他瘦且寒

泛舟長河至樂善園二首

輕舟溯碧川秋曉氣澄鮮遇勝何妨止言尋屬偶然林  
泉既幽靜座席得周旋却顧曾題句流陰隔兩年  
來稀似初到去矣且教遲清閼孰過此雅宜亦在茲秋  
蟬無俗韻喬木有疎枝應借高人隱吾安用爾為

秋來八首

有序

皞令協時允行成物喜南訛之已秩嘉西爽之初  
延聲在樹間肯襲摛詞於宋製涼生殿裏詎誇聯  
韻於唐賢若乃撫序關心適會微雲纖月宣毫即  
事無遺時卉候蟲天上七襄茲夕正當佳夕人間  
一葉昨宵方度清宵而提書尚佇回中每對關山  
望遠夙駕將臨塞下毋忘獮狩行邊問三秋何處  
來乎題目匪沿昌谷知八詠適然就耳體裁聊準  
浣花

秋雲

紀瑞無煩太史書  
歐陽賦裏偶遺諸  
乍殊峯寫多奇狀  
已讓河橫清淺如  
障日幻為晴與晦  
隨風閒任卷還舒  
蕭蕭幾點飛涼雨  
應有人稱為去聲洗車

秋月

晚來陣雨過河源  
光滿寥空清滿園  
石上藤蘿宛已映  
琴中操弄略堪論  
魄依碧落寒非濕  
影入池塘淨絕痕  
春月烟花秋月水  
東坡未足號知言

後山詩話東坡春  
夜對月王夫人曰



春月可喜秋月令人愁耳公謂前未及也  
遂作詞曰不似秋光只與離人照斷腸云

秋河

三時常晦此時明耿耿依依空際橫星斗每從天上浴  
波瀾不受世間驚蕭晨乍欲數峯隔殘夜猶聞雙杵鳴  
只有黃姑心獨苦過來過去總傷情

秋風

一葉梧桐早識秋那堪水面復峯頭肩吾團扇懷長繫  
叔夜橫琴音若流幾處關山猶遠戍誰家西北倚高樓

何人不有臨風句萬古惟傳杜甫愁

秋野

疏蕪秀草露珠明寥廓蕭晨景最清古寺僧閒安蝶夢  
長途客起聽鷄鳴依依村圃纔除架歷歷亭皋湯計程  
只有此時心畧慰黃雲近遠傍西成

秋林

濃綠初疎繼染紅無邊秋意幾枝中蕭蕭不礙延來月  
策策還隨吹去風何必生悲惟宋玉已聞傳妙有闌種

木蘭大獼千峯上開錦迴看氣最雄

秋花

夏秀宛看秋始華木英草卉總清嘉常饒白露續紛滴  
不藉東風次第加曉砌丁星香最細月池韓約影偏斜  
春園李杜斯郊島寒瘦何妨自一家

秋蟲

問爾不平平已不占他終古善鳴秋羈人旅館三更淚  
弱婦深閨一縷愁老樹踈麻方寂寂庭陰砌角鎮啾啾

恰如永叔纔停筆四壁騰聲卒未休

徊轟行

小和卓木

其號

霍集占

其名

領兵來援圍城嚴先是其兵來

赴救托和鼎

地名

已二千殲逃生回者匍匐告昧死尚敢

潛窺覘城中知有賊接應借一出突施戈鏃綠旗圍城

腹背敵屹立不動戰方酣是時實賴愛隆阿

副都統領  
隊大臣

率千騎至皆奇勇

吉林滿兵  
及索倫兵

橫衝截入亂徊陣斬將獲

醜如囊探狂徊難當復大敗東籠案角相藉攙毆至鄂

根河之側溺水斃者如眠蠶賊約五千三千死千餘戰  
士威風添霍集占乃抱頭竄塞其大纛銅旗尖咳首五  
色書旗幅不解其義言詎詎驛致既喜復致惜設執逆  
首除凶儉徂惟求定靖遐壤止戈和衆吾方快

西北風

夜雨綿達旦踊慮為秋霖午風轉西北其聲戛石金初  
猶習習吹漸作蕭蕭臨萬竅各怒號同叶夷則音無物  
可以當何有於密陰瞥眼天宇晶宜暘愜予心雖然敢

即逸捧盈惕彌欽

題馬琬秋山行旅圖

背負肩挑策蹇者紛紛名利各傳真徒觀暉首留名字

幸有當年說項人

卷中有其昌審定馬文  
壁秋山行旅圖十二字

布魯特稱臣內屬遣使詣閭詩以紀事

有序

布魯特為回部別族素與中土聲教不通比因逆  
徇小和卓木背恩反覆戕我使臣既命將往征屢  
戰大捷而將軍兆惠亦以搜捕伊犁賊黨旋師會

勦道經布魯特界其酋長圖魯起拜等遮道呼籲  
自陳向為厄魯特所阻自外王化今西域蕩平所  
部人衆皆願輸誠內屬並各遣其大首領馳驛赴  
闕納款念此遐荒殊域固未嘗以兵威亦非馭以  
智術望風歸附情詞諄懇已允將軍等所請許其  
携從入覲而並識其緣起如此

撻伐原因討逆徇仰流詎意遠人徠舊傳勃律兩王據

唐書西域傳有大小勃律王其地直吐蕃西去  
長安八千里以方域考之即今布魯特部落

即見堅

昆一面推

四部禁爾奇木哈什哈爾之地西即與布魯特連界今布魯特內附則已斷其一臂矣

厚往薄來風早樹東鷁西鰈道方開不招不拒敷吾惠  
王會何妨達九垓

幻花八詠用張鵬翀韻

有序

空寧有色誰教佛座拈來幻豈非真漫倩封旛護  
取願造物元從無物而寓言肯滯名言是以白藏  
霜鋪層層碧纈薌林雨灑剪剪紅酣以至風漪浪  
縠之騰文燈暈酒潮之散綺筆曾入夢丹黃匪色



相所呈心竄通神杼軸自襟懷而出凡此清機並  
引何闕結習難忘縱煉火成芽已埽殷仙頑艷矧  
沾泥比絮尤慙謝客浮華維侍臣舊樣曾描八篇  
無妨製錦即藝苑新裁可就一疊聊藉書屏

霜花

灼灼裳裳玉有光盤鴉難上內人妝已看傍晚花如幻  
欲笑迴空蜂枉忙青女女夷俱耐冷釋迦迦舍不關香  
色空一合歸無迹底似凡英落自傷

雨花

烟片紛敷珠點微  
真香無嗅有芬菲  
最宜潤景當簾織  
却異殘春作陣飛  
何必指揮觀色相  
漫緣開謝悟因依  
道場恰是維摩室  
不著文殊自在歸

風花

宋玉蘭臺品藻臺  
雄雌辨後探花回  
迷漫解使千峯暗  
往苒何曾鎮日開  
五里張公稱意作  
旬餘列子滿身來  
陸游詩本不經讀  
欲笑南華未是才

按陸游詩注風欲作則大霧充塞謂

之風花是風花本有其物鵬翀詩但謂流風落花合而為一與餘幻花不倫矣故戲及之

浪花

轉蕙光風曲岸濱文章水面散紛緼詎關春信審審報  
奚事羣芳色色分戢藻遊魚如隱葉掠波輕燕訝蒸雲  
淨真不染鄉嫻氣漫擬宜圖六幅裒

燈花

速勝韓湘頃刻誇奇看火裏自開花欲嗤陳氏裁文綺  
似擬王公籠碧紗莖吐玉蟲蠕綴細蛾疑粉蝶撲飛斜

設云報喜事誠有便盼紅旗一片霞

酒花

金樽蕩漾坐花時

見李羣玉詩

歛艷中含渾淑姿紅綠都教

香是國東西揔以玉為肌春非他也芳常住時復中之

趣自知何必生平不言酒魯共公論早曾披

余詩中不喜言酒茲

以用鵬翀韻及之

筆花

垂露非秋自蔚霞管城無處不生花寧關木本寧草本

抑是江家抑馬家意藥心苗常護養雲笏月抹任橫斜  
雕章五色誰應伴紫殿還聞設九華

心花

四句金剛稱六如是花非密亦非疎有如時雨沃之後  
更在三春開以初潤玉輝珠寧貴艷課無責有不隣虛  
夢華竭和詞臣韻憶舊翻因偶不舒

馬遠溪山秋爽圖

渾厚尚傳北宋法蕭疎已啓四家宗愛看插壘蟠青者

猶是萬松嶺上松

題藏紙扇

底藉裁紈可謝筠取材於古製從新綸巾諸葛殊先進

金粟如來是後身

用李白句

涼詎秋風將落莫團惟望月共

渾淪動搖不為資清供欲扇溽風萬國均

泛月

襄雲向晚間婪暑依秋退望前傍下春昂首月已在三  
時豈無月秋輪實可愛入波潏潏光盈手清涼界木蘭

著緩盪俯仰欣澄對岸蛩有颯音汀暮多蕭態慙賞則  
不無長夜夙所戒眼瞥隱西山心共馳回塞

題竹繪屏

檜

貼箸裁筠作檜松天然益友欠梅逢介侯似向蒼官道  
善寫丰姿却讓儂

竹

翦竹圖成幾枝竹龍文鳳影戛依依嫩獒窓外初過雨

一即三身是也非

恭奉

皇太后口外行圍起程日書事

氣爽時當大獮候世平塞是外虞陸國朝武備千秋獨  
仁祖勤勞萬禩貽

迤邐楊村復柳莊停鞭問瘼不妨詳老安赤保厯宵旰  
萬歲千齡奉

壽康



黍隴禾塍近熟秋實堅實好尉如油可知夏五憂偏劇  
纔博今來少釋愁

石槽行宮即事

庭樹綠籠檐砌花芳撲簾常時饒寂寞一晌候吟拈座  
席惟秋展壁題逐歲添晚來殘暑劇思得雨驅炎

秋雲

秋雲含雨渾不定數里之間霑否殊昨晚婪熱思湔灑  
飛點未潤膚寸乎密陰東望濃霏霽了知行潦當前塗

朝來策馬不十里即遇泥濘艱行車僕御跋涉多苦狀  
晚稼益沃歡農夫石槽田者不無向隅歎昨晚喜行路  
者來試諸乃知人情萬態寧可一例俱博施濟衆堯舜  
猶病矧吾馬有兩全圖

密雲行宮對月

過望小虧圓

時七月十七日

徘徊銀漢邊  
寂欣寒不濕可以暑

全蠲疎樹迎光漏閒花入影妍  
玉輪猶早上應惜孟秋天

策馬

策馬跋蘭坂郵程率素知兒孫示勤勩

每歲秋蒐率命皇子皇孫等隨

國示家法也

老幼切詢諮民隱呈幽野官方戒繭絲沿途看

好稼所喜畧於斯

南天門攬勝軒作

盤紆石路陟嶙峋攬勝還欣迴出塵何必森嚴衛虎豹  
居然尺五俯星辰雲軒峯嶺延遙近梵宇香花悅靜真  
大士如如無色相却看歷歷往來人

出古北口

莫問臨洮及滄海愛看雲白與山青  
出關爽氣迎人面  
入畫秋光愜性靈  
何代隄防此乘障  
常時來往似行庭  
可知守德勝守險  
益凜冰淵祝太寧

常山峪行宮疊舊作韻

好山如活畫面面向人前  
拱北近仙境

去避暑山莊  
九十餘里

維

南帶古邊

古北口一帶  
古邊界地

堂皇開太室俎豆展賓筵  
風自

無塵地雲猶歌旦年  
騁懷真致靜得句欲捐妍  
最喜翠

徵表洪崖可拍肩

軍書

軍書羽速至謂喜願生恨言志兼紀事顛末必傳信先

是塞回纥將謂賊渠遁茲因沙雅降

雅爾哈善等先以迎勦霍集占殲衆

塞旗徇首免脫奏報至是沙雅爾城回長阿三和卓不乞降錄其供詞始將霍集占敗入庫車潰圍不得出後乘賁夜遁去諸將並未追擒情節歷歷叙明

伯克親詳訊始知霍集占來救

庫車因為我兵所截入城欲伺釁合力旋突出被遮復挫韌乃率四百騎夜出身免愁咄哉堪扼腕選將吾未

慎失機有如此是豈踈防僅譬鷄自投羅解放翻成杏  
夷考自軍興誤事率臣蓋徒憐諸士卒奮勇冒白刃賴  
天雖有成決策屢多悶自責不知人遑敢弛國憲

灤陽別墅

叢樾中間得路便虛窓四啓眄青蓮可知秋景會今日  
未到巖齋又二年


去歲經此  
未駐蹕

天淡雲閒常不改蝶黃花

紫自相憐何妨傍午還餘熱松下風來便颯然

題小金山

翦然嘉蔭入林間一朶芙蓉頂結廬既豁而寒宜眺聽  
匪今伊昔閱居諸來原竭爾去無約下是滄江上碧虛  
浮玉昨年同異處澄觀了不可分疏



御製詩二集卷八十

欽定四庫全書

集部

御製詩二集卷八十二

詳校官尚書臣德保

助教臣常循覆勘

總校官原任中允臣王燕緒

校對官中書臣王彛憲

謄錄監生臣戴祖覃



欽定四庫全書

御製詩二集卷八十一

古今體七十八首

戊寅七月

至避暑山莊作

虔奉

慈輿又駐茲

堯年寶額至今垂  
奉予起愛起敬處  
值此宜風宜月時  
蟲是秋音喧砌角  
山猶古色卷簾眉  
也知吟興行將發

且復從容蘊蓄之

清舒山館

座有瑤琴架有書  
清秋重此坐清舒  
禽魚總是忘機侶  
山水真成繕性居  
綠潤鋪林延爽細  
紅芳戀沼送香徐  
題詩四壁饒何事  
今昔分明靜校餘

招涼榭

傍午小炎蒸  
山田正資長  
秋長利在農  
豈計礙遊賞  
近西得陰早  
信步尋涼往  
豁然水雲榭  
適可悅俯仰  
襟袖

覺颯寒眉目為清朗舉頭見題額副實誠不爽

寫心精舍

層樓奉

神御精舍構其右寫心則不無繼

武誠奚有言念甫韶齡何以蒙

恩厚

聖顧直注今敢不勗授受勤政勵渺躬籌治惠黔首安  
內逮厥外慎始要以久惟是

羨牆瞻睴乎益覺後

荷

每來偏愛荷猶存雖非三徑實仙源藏鷗友鹿秀而野  
微露盪風蕪且溫託根常在雲霞表駐年八千應覺少  
卉中君子誠有之予方惜此馮唐老

題澄觀齋

萬物到秋澄斯齊獨擅稱天高雲影淡樹疊籟聲層綠  
牖虛延爽玉壺都是冰從來宜此句拈出向何曾

翠雲巖

虛榭三間面豎峯交枝蒼蔚葉丰茸雖然已是雲閒候  
却看氤氲翠尚濃

千尋石壁聳嶽嵒拖地眉毛能爾為若向是間知悟處  
翠雲還笑宋雲癡

聽瀑二首

振鷺飛泉落野灘閒亭有暇每觀瀾世間無物可形狀  
滿耳仙韶滿目寒

西壁懸流也自奇東來野水匯成池南人只道邊關苦  
北地何曾知合詩

永恬居

水複山重處金風玉露時僻非塵所到靜與性為宜居  
永真堪憩心恬恰好思所思在何許

皇祖聖踪遺

素尚齋

齋接永恬居相望

平聲

前後廬磴廊斜轉上巖牖朗開虛

得趣景殊狀題名義各臚要同歸靜觀

去聲

一致每欣於

熱

關外秋禾勝去年攬轡沿途為慰悅山莊近遠罨黃雲  
晶陽邇日更蒸熱固云時燠催西成當秋炎恐乖素節  
紗衣傍午欲換葛松牖延颺復搖箴菜畦芑圃胥待潤  
山岡易燥金曦烈因思涼雨一湔漑蕎麥作花方似雪  
情知萬事難兼全惟冀兼全意方愜

學古堂

樸室山水間

軒篆題學古挿架富芸編觸目堪為矩近思孰挈要應  
是無逸所

皇祖信得師我勉師

皇祖

微雨

微雨聞清夜情知未即霑山田多益善塞苑冷何嫌菜  
町葉方茁蕎坡花尚纖老農與老圃寧識慮常兼



霞標室

書室千峯表金秋八月清

時八月朔日

招涼在懷袖寫霧出

檐楹便欲望銀海何須擬赤城風泉清聽滿

室中有

皇祖題

額云風泉清聽滿

常見

聖人情

菴畫窓

室據山高來不頻偶來便爾暢心神一天秋景雲窓外

大似王蒙荷葉皴

見說佳山似真畫或稱佳畫即真山世情定論曾誰是  
我亦疑廣於此間

雨

塞山易作雲今秋乃艱致展轉切望霖晚田漸憔悴觸  
石膚寸合靈雨盆傾至既放更悠揚綿霽飄長勢婪熱  
復何有乍可夾衣試蕎黍總回蘇瓜菜洎餘惠去歲關  
外旱來即叨明賜大田雖無救遲稼半穫遂今年早收  
定雨暘頗愜意邇來方待澤此雨真稱瑞勤民無間心

祈農寧較地却懸關內望曾否均霑未

驛章至知京師亦望雨詩以誌事

昨對秋霖偶繾情驛章今遍自都城一般蕎菜原需澤  
廿日風雲太過晴敢以黍禾穫為解惟茲宵旰慮常縈  
先憂後樂本吾分終覺樂稀憂每盈

塞山

塞山過雨易生涼清曉居然換袷裳谷口沙含漲影退  
樹根草掛蔓絲長稱心野景呈虛牖極目秋田蘇遠岡

傍午轉暄真恰當為催萬頃稼雲黃

新月

眉細中秋月冰寒欲滿空塞山高見早素景迫難同  
澹滄池浪徘徊疊樹叢錘峰玉臺是團鏡待懸東

夜雨

怪底山涼切枕衾  
電電夜雨落空林  
繼雷更較前朝渥  
疎滴旋聽密點斟  
楓葉不殊蕉葉響  
早田望到晚田心  
霽非急陣應遐被  
佇擬京師報喜音

含粹齋

山靜林空秋氣清  
巖齋座與白雲平  
花香鳥語堪探賸  
露潔風高總至精  
畫展諸峯窗外豎  
琴調一水澗前橫  
稱文果是深於易  
我亦因辭見

聖情

滄浪嶼

澄泓半畝即天池  
池上疏軒四季宜  
疊石入波疑倒插  
嵌楓經籟故紛披  
禽魚得所情含樂  
星月涵虛意想知

此處本不常臨雅似御園畫禪室

御園池上居又名畫禪室長夏恒憩息處

是室一般摘藻構吟思似之

### 千尺雪

地真塞北無雙地泉不江南第幾泉太古林嵐人鮮識  
付他秋月與春煙

疊石疏流落澗鳴匯為汀沼渌然清若從雲外來源計  
千尺稱猶太屈生

一處圖存四處踪

西苑盤山熱河惠泉各為一圖繫以千尺雪名之而一處各藏四圖以便

展閱

東西南北任相逢竹鑪應付高閒者慙愧浮香越旆

濃

即事

厄魯蕩平回部連止戈畢竟是何年固緣弦上矢必發  
終愧階前羽舞旋勃律正聞踵來接堅昆佇待首誅駢  
山莊行慶暇奚念念到庫車阿那邊

涼

曉起居然愛向陽塞山能爾變炎涼篋中率欲藏輕扇

林下無煩泛野航且喜秋雲纔過雨亦愁白露乍為霜  
一愁一喜緣何事萬頃田雲漸作黃

雨

山雲過午重秋雨帶涼來益覺蕎蔬好雅宜松竹陪霈  
膏霏亦易婪熱滌如推京報霑仍異

昨閱驛章知京師  
雖得微雨尚異大

霈

南瞻慮幾迴

紅葉

疊嶂青雲放曉晴乍看紅葉一枝橫徘徊體物難成句



幾點玫瑰襯綠瓊

何必過雲錦繡攢却欣少見耐吟安北寒知早連林紫  
逸興遙飛向木蘭

題蔣溥畫

秋暖無端遲桂芳綴枝初折幾芭黃玉貌靜守冰輪朗  
畫出人間滿意涼

京師得雨誌喜

京報傳來霽澤充北南霑潤一朝同

十三日熱河遠近  
同時並得透雨

那當秋日還喜雨慰在其中愧在中

街頭米價早稱平

京城秋初糧價稍昂命發倉米分糶近已平減

却為晚田望

澤畔蕎坂菜畦生意轉欣同農圃待西成

瑩心堂

疏榭碧湖中澄觀若鏡空  
寂堪窮理趣可以令機融  
望去寥蕭野披來颯沓風  
一輪端正好朗照此心同

遣興

遣興寧蘄辭騁妍山莊書史足精研  
一心不息庶少過

萬事由來忌太全詎以內安忘外靖那期後樂祇憂先  
題詩四壁驗今昔政學均慙尚闕然

中秋侍

皇太后宴

歲歲時行奉

大安山莊慶節侍

慈歡光明徧照恒沙界端正何須七寶攢高下巖楓疑  
桂馥友羣野鹿共蟾看底緣益覺中秋好地迥樓臺近

廣寒

詠鹿角筆架

茸長八义老蛻然去不留無從別麋塵又幾閱春秋形  
欲成芝朶堅將變石頭雅宜供架筆毛穎本同遊

熱河啟蹕木蘭行圍之作

山莊行慶中秋度吻鹿鳴時可重

去聲

遲野水寒灘循迤

邐舊藩新附盡追隨幾重

平聲

塞樹含霜色一縷村煙起

曉炊更有予心誠慰處告成多稼幸如茨

筆架峯

筆架三峯迥出羣支天萬古翠嶙峋宣毫湘管難堪倚  
合付尋常腹藁人

化工著意玉雕鏤肯使詞人弄筆頭李白若曾經到此  
不知奇句幾多留

策馬

策馬度山村過雨蘭蹊淨高下稼滿谷穗飽纍垂柄便  
霜亦不妨西成料已定去歲此間旱經過切憂恹今秋

償倍蓰額手為深慶承平戶口滋穀寶繫民命內地無  
遺利闕外率墾竟一例祝倉箱豈復分庭徑設以漢唐  
論守在此所屏今古實異宜要在因時應保泰凜三無  
勅幾勤八政

駐行營

今年獵場向迤東崖口外即行營駐曉涼羣已換旃冠  
背指離宮猶驛路輕驄得得進圍界漸遠村莊多野趣  
四十八家率獵騎橐韃供役咸來赴牛羊駝圖滿谷中

乳餅馬湏隨意酤厄魯驚歎有如是伊犁較此難言富  
山莊幾日陪宴賞宮室衣冠非所諭古來北部輕南朝  
今日歸新原勝故我聞此語心為怡延美孰非

祖烈貽共搢紳士議兵革與介胄士談書詩以水投石  
昔所譬杓鑿弗入其奚疑習勞繩

武益勤懇一家中外綿丕基

### 過東嶺

東嶺名汗特木爾過嶺即是獵場山不常經乃喜初遇

翠圍紫邏紛孱顏塞樹新霜紅間綠野水出石潺湲

地近圍界獸雖少逸麇難避鳥號彎

是日馳射一麇隨箭而斃

新藩

創見咋舌歎

時都爾伯特貝勒及扎哈沁烏良海皆令隨圍

舊屬熟悉額手歡

繫我所喜固有在景宜詩更餘清閒

詠掛餅

大邑冰瓷巧就模擷芳隨處貯瓊敷郵程水陸延羣玉  
風月三千護蓋珠不是文殊命童子定為長吉背奚奴  
一塵弗染諸緣靜豈識尋常有苑枯



即景

拂廬幾點曉霜輕  
跋馬剛欣卜爽晴  
問景雅宜詩外趣  
合圍揔在畫中行  
塞山涼暖渾無定  
巖樹丹青最有情  
詎謂從禽忘一切  
庫車時刻念怍怍

俊鵬驄歌

烏良海獻胡青驄  
天閑牧養經再冬  
本是俊骨易調習  
今來脩駕秋園中  
左旋右抽盡如意  
發小殢大皆從容  
一馳疊獲鹿曰兩  
再馳更斃狐之封  
千二百騎所共覩

無此此輩惟面從致力可息佳名賜亦不啻力德並同

得庫車城誌事

有序

庫車之圍將軍雅爾哈善坐失事機方小和卓木  
率衆來援屢經被殲而任其潛入潛出若罔聞知  
前後奏報矛盾具見前詩知其株守淹時必致逆  
黨兔脫坐得空城以自解今報至悉如所料詩以  
識恨

我師久圍賊庫車

讀作歌韻

殲其援者紛如麻惟是將軍無

紀律卒致竄走彼么麼軍書之什已誌恨後聞地穴為

賊遮

雅爾哈善用綠營穴地火攻計轉為賊覺橫截預一溝焚燒兵丁乃不自引咎惟委罪將佐塞責

料將得空城耳彼賊腹心仍逃他驛章忽至共披閱一如言曾不差言則不差事則債用匪其人愧若何

### 九月朔日作

策馬凌晨了不涼緝紛疊巘錯青黃望中九日節將到

塞上今年暖異常漫學鹿麋嫌候舛

鹿鳴於秋分前後入哨率候是時今

年秋暖故鹿哨尚未盛也

欣同菜圃慶秋長待圍每選嘉陰坐攬景

從容有句償

布魯特使臣至宴賜即席得句

七戎舜教遠難稽布露通唐付狄鞮

布魯特自古未通中國考唐書西域

傳始載布露或云勃律有大小兩王其時雖稱內屬不過屬縻勿絕而已

部昔兩王稱大小

人今一派別東西

布魯特有東西之號在東者分鄂拓克為五在西者分鄂拓克為十五

新恩恰值伊綿峪

布祜圖昂阿乙亥歲平準噶爾噶爾藏多爾濟等來朝於此丁丑歲哈薩

克歸化使臣根扎噶喇等亦來朝於此今歲布魯特歸化其使臣亦適朝覲於此地靈佳兆有如此神奇者因

名其峪曰伊綿伊綿者國語會極歸極之意也

舊識兼逢達瓦齊

時達瓦齊扈駕預宴詢諸

使臣知其舊為台吉  
時曾識之笑語甚懽

勤遠拓邊凜古戒捧盈恭已奉

天提

題董邦達畫二首

秋林絢采

羗峯雄厚落飛泉萬葉含霜綵翠鮮  
命意由來非嚮像  
得從扈蹕寫真詮

宿雨含煙

曉烟欲泮意猶酣野約蒼蘆鎖碧潭  
應是中庭動秋思

過飛逸興到江南

叢薄行

叢薄之中聞有虎三子逐逐隨其母鎗斃於菟及一子  
其二曳尾藏深莽惡獸應弗留餘孽是非所云不探卵  
叶因命生擒觀壯材羽林徼虜皆暴怒兩人搏一何足  
云一人獨攫誠堪詡其名乃曰貝多爾索倫侍衛中英  
楚手尾挈領安且詳湏更虎兇入桺擄被斑綵白涉鋪  
張豈似今朝萬目覩喜亦詎為萬目覩適有新歸化布

魯

右部哈薩克歸化遣使朝貢詩以紀事

有序

右部哈薩克其汗曰阿比里斯與塔什罕城回人  
等接壤襟居地廣人稠不下左部阿布賚所屬向  
為厄魯特間阻未通聲教今年秋叅贊大臣都統  
富德追捕準夷餘孽哈薩克錫拉兵至其地會塔  
什罕與右部哈薩克構釁互擊因遣侍衛蒙固爾  
岱等宣諭威德哈薩克叩首輸誠即日遣使朝貢

而回目莫爾多薩木什和卓亦悔悟息爭並令頭  
目同時入覲念兵非得已而所至如歸披閱郵函  
輒臚其緣起如此

偏師西海勦逋逃取便恩宣雜種曹豈謂解紛更釋難

時右部與回人方背水決勝蒙固爾岱等  
單騎入兩陣間指揮宣檄即解甲聽命

匪徵目宿與

葡萄情歆左部榮同被

其疏畧云右部素與左部阿布  
賚同為雄長今得均隸臣僕自

効請倍左部  
語尤愷摯

德慙

去聲

兩階會偶遭厚往薄來九經式持

盈保泰一心揅



九日

木蘭雅合度重陽處處登高是勝場漢殿空傳蓬餌食

拂菻還識鬱金香

時布魯特隨圓亦預宴賜唐書勃律傳地宜鬱金

綠莎宜馬

滋逢暖紅葉藏廩艷鬬霜小矣淮南稱盛會鴻絢萬騎

總軒昂

出崖口

廿日木蘭事大蒐惠遐示度禮粗脩罷圍繞出峭崖口  
遵路旋過野渡頭漫戀友羣歌悉率恰欣場圃報登秋

山莊錫宴應聊駐懷遠寧教愷澤稠

木蘭迴蹕避暑山莊之作

木蘭脩獮薄言迴小駐山莊錫宴開未久秋風催轡去  
訝同日影上窓來千層錦樹紅蕪綠一道玉溪漩復洄  
尋鹿得欣否亦可

園中麋鹿甚多時鎗獲之

為他巖景耐徘徊

澄觀齋

諸峯摧嵒錦開軒一水潺湲玉映門入畫林泉真恰當  
迎人松菊喜猶存尋常物態皆含理妙合天倪欲忘

去聲

言

寶額重瞻惠迪吉

聖人明示此探源

齋內有

皇祖題額惠迪吉三字  
又是處提山莊諸水上流故未句及

之

賣菊翁

偶翻閱舊集有此作嫌不愜意口占二首

東籬帶露摘金英却為蠅頭貨市城風月一肩付誰得

定知人不是泉明

右嘲之

擔頭冷韻蔚瓊英風雨重陽正滿城此老白衣隔溪過

亦安知不遇淵明

右許之

### 阿克蘇城回衆投降詩以紀事

回衆築城居取之原屬易庫車其東戶防守所特備徒

以將無能久困致自棄先是已兩勝

方逆徊赴援庫車官兵一殲之於托

和爲再殲之於鄂根河逆黨斃者五六千人賊勢大覺唾手可就擒獲

兵威亦云熾雜種

況夙怯失城更怛悖是宜鼓衆前先聲圖成事而何待

益兵稍進復停轡

逆徊已失庫車雅爾哈善不即乘機進勦藉口需兆惠兵至將前忽却屢

失事

割穀資兵糧前途穀滿地不過藉口食遂其遷延

計夷考回所據大城原有四曰葉爾奇木哈什哈爾暨

阿克蘇烏什其餘率小類阿克蘇今歸實斷其左臂故

緣彼城中伯克乃新置霍集占心腹

霍集占既歸舊部各城皆置其心腹

以為脇制比聞大兵將至阿克蘇回衆即協力與逆酋拒戰遂其所置伯克獻城請降

強從非衆

意今聞被創敗倒戈更相拒

叶

戕害其用人獻城降遣

使此又宜速赴河上逍遙寘

阿克蘇既以城降正可督兵前進諸城可傳檄而定

雅爾哈善乃以禾稼在地欲為坐食株守之計豈前途獻地相踵轉慮貨糧不給耶

是謂棄

天祐作孽乃由自易帥明憲章

時命將軍兆惠星馳往代其軍將雅爾哈善解

京治罪

靖遠佈恩惠殲渠赦脅從敷化逮闇昧劬哉勉運

籌顯若翼

明賜

萬樹園宴布魯特即席得句

鱗集仰流鹿食草筵開萬樹洽輿情舊藩每看聯新部  
夜雨剛欣湊午晴聲教遠通婆夷水恩膏直逮孽多城  
敢云揚

烈幸無忝惟益臨深勵守成

河南巡撫胡寶瑑奏報豫省秋收豐稔詩以誌慰  
獲麥早誌慰顒為望三秋豫土本曠衍苦乏渠與溝  
漑率致災厘此悉心謀大疏橫直幹引支入幹流更  
幸雨暘時黍稌均豐收方伯入章告諒非虛詞投積  
歉賴少蘇慶愜舒眉頭復元氣不易莫亟言徵求

萬樹園賜布魯特人觀燈火

錘峯正掛玉輪盈

時九月  
望日夕

合燦煙花愜遠情卉服毳裳

朝麗正

山莊正門名

逖疏習爽耀光明從來不識燈王法

布魯

特本回部不似

蒙古敬黃教

幻裏疑遊迦布城

彼處地名

歲歲山莊行盛

典心殷保泰益屏營

灤陽別墅

夷峻別館羅迴蹕駐灤河望極塞山遠秋深落葉多青  
松自天矯黃菊正婆娑將謂詩篇富觸懷復漫哦

入古北口閱提標兵

興州行慶宴來賓攜入京華惠重

去聲申

命布魯特人隨入京行禮

秋



暖樹連關外綠

往歲關外樹葉落盡進關尚見綠樹今秋甚暖關外尚有綠葉故云

源長

水注塞中銀

潮河自塞中發源流入古北口

試看瞻就馬前衆都是肝

宵念裏民攬轡便途閱邊脩詰戎兼示遠方人

### 九月廿五日進宮之作

三朝旋蹕略休停

廿二日自木蘭迴蹕至御園

勤政依然式九經

太室脩嘗歸紫禁

仙園養

志奉慈寧

時屆孟冬之祭應還宮園居故仍留

暢春園將來往問安視朝期均聖母以年高樂

不誤 安夷

布魯特地名

鄂畚

哈薩克地名

同文軌岳樂伊綿

二處皆木蘭內

地名 圓場

更戶庭保泰心惟益乾惕嘻嘻曷敢勵惺惺

烏什城酋長霍集斯伯克攜回衆獻城降詩以紀

事

執渠早是被恩榮

先是連瓦齊自格登窮寇霍集斯伯克奉軍檄設計縛獻錄功褒賞

畏

逼遷隨尚近情

霍集斯伯克與小和卓木均係回目特為所強懾因附和觀衆罪在可宥

識

順料伊將倒戟

嘗與軍機大臣籌畫軍情曾論及霍集斯伯克有擒獻連瓦齊一節我軍至其

地彼或降順比大兵既近伊果筵款小和卓木計圖擒縛因為潛覺遁去遂率衆投款軍門

翦凶匪

我願佳兵申明昧雉霜嚴令

庫車之圍逆酋唾手就獲而失律者貽誤因命將軍

兆惠往代就塗次執失律之臣明示顯戮軍威大振

疊見牽羊肉袒迎

天祐人歸逮底績越因兢業凜虧盈

### 孟冬時享

### 太廟述事

質明徂位展虔思職事天潢式禮儀追遠丕綿一脉祗  
靖遐耆定萬年基不遲廢徹迴瞻

廟有肅冠裳列迓墀昔厠大宛今布露

去歲哈薩克來朝今年布魯特

繼至並以秋徧迴鑒攝入京師適當  
冬嘗大典於午門陪百官迎送延麻孰匪

祖威貽

崇元觀拈香即事

觀瞻日下屬神皋舊寧煩事伐馨慶落便中紆法駕

時孟冬 時享禮成詣御園問 安崇元疑早會

仙曹金題重燦雲房複絳節紛朝玉座高七字聊因識

緣起楔碑乘暇一揮毫

柝人何事當去聲夔臯建築居然興鼓鑿此寺為明瑞曾化導所建故俗

名曹公觀

富貴那曾鎮爾輩  
裔苗誠未忝其曹  
開門已忘

去聲

君恩厚督厥偏  
誇璫勢高覽古不禁懷  
鑒古慎微切切

在含毫

御園初冬

冬孟脩

裡孝思舒平明命駕候

興居更因三接懷柔遠

時於御園再宴布魯特命廻部落

聊值萬幾清

暇餘楓葉耐暄紅  
間綠菊花過節秀而踈  
春園莫漫諄

桃柳悅志由來在集虛

戲題盆菊

常傲春蘭稱後凋金英翠葉自飄蕭  
花師剪縛爭新樣那管東籬竟折腰

林屋

漱水飛來雪瀑疊峯聳出雲根壺裏絕無塵處窓中小

有天園

堆假山肖西湖汪氏園自窓中見之

抱清樓

迴廊曲折自通幽拾級登臨縱遠眸妙合而凝沖以靜  
佳名真副抱清樓

夜雨

十月初五日

秋月雨稀苦久晴變時每為望怳怳作霖忽訝霏通晚  
問澤頻教徹五更麥隴固難資佈種為時已遲菜畦猶可藉  
敷榮于茅尚豫來年計八政那能刻忘去聲情

御製詩二集卷八十一



欽定四庫全書

御製詩二集卷八十二

古今體一百十四首

戊寅八

兩江總督尹繼善等奏請南巡却其疏并詩以示

意

有序

三江兩浙地擅膏腴十雨五風時逢倍稔省大吏  
陳詩之奏抒小民迎蹕之忱在覲岳情殷詎詡一  
遊為度而觀河念切寧知再駕云勞顧候人知攬

轡之勤輦畔曾親荒度使者告披幃之績席前如  
睹安流亦越明秋臨北庭而講武兼陳肆饗集羣  
后以脩文命駕未遑諏辰有待占律雖登豐楙書  
年宜過執徐爾時玉琯一陽

金萱七袞長筵肇啟迓

鳳舸於西池

純嘏載申瞻

龍旂於南服將見吳根越角謳歌並愜

慈歡而且嶽色江光清宴同符

聖壽此則鄉皆魚米如釐食貨之經地  
黠汙萊蕪訂河渠之志允叶三巡之令  
序聿揚萬國之懽聲披章既下十行未  
俞所請諭意并成二什用答羣情

澤國哀鴻久厪心不辭沮洳為親臨  
屢咨使節求長策未許司農惜帑金  
高下節宣害差減夏秋普熟慰誠深  
宜休息耳停巡輦南望猶然惕不禁

無易由言讓水行那餘隙地徧耘耕  
勤勞宵旰剔髮計

慚愧黔黎愛戴誠藏矣心中寧待閱遲之歲匝亦須征  
慈闈七袞開鴻慶擬達臣民祝嘏情

題洋菊四十四種

有序

律當西顥落藩自擅清華節到東籬溟澥誰傳逸  
格諧價初聞估舶國擬衆香簽名尚記甌甕園殊  
獨樂於是羅含却席難誇舊宅凡材魯望迴帆欲  
遣叢書補注廼訂羣芳別譜因標仙植嘉稱侔色  
賦形圖成妃白儷青之外摘詞抽秘句就餐英吸

露之餘從茲素女竒粧都徧三三幽徑奚取封姨  
好事護持九九靈辰

金佛座

色黃花心作微綠外抽細莖色白瓣彎環重疊為  
蓮座形黃為菊之正色莊嚴妙麗宛若鋪金此海  
西菊品之竅

色相總清淨天然優鉢曇

出梵經華  
言菊也

擬將施

去聲

調御坐

此轉華嚴

絨錦心

淡紫色瓣作卷筒狀花心黃色攢簇成毬間以細  
紅絲燦爛如錦

黃華自有瓣何來紫且筒陶潛應不識海西異籬東

綬帶紫

深紫色花心正黃中攢綠點瓣長而密層層相繞  
有臨風飄舞之勢

風前裊長莖軒然霞舉意紆紫雖殊途拖金本一致

承露盤

大可尺許淡黃色瓣端欹蹕如玉簪幹極高花開  
莖端儼若仙掌

露重金蘂候承來珠顆勻却殊漢宮物泣下銅仙人

萬點紅

花心正黃瓣粉紅色細垂如絡線柔而多態微風  
觸之輒自搖轉點點錯落可愛

媽紅綴粉英細垂如線絡不似春園花風吹惜搖落

珊瑚枝

黃心藏瓣中花瓣渾赤如鐵網羅珍

海網羅珍物正色霏芳茸石崇鐵如意欲擊笑無從

檀心暈

花心有小瓣裹之不露近心作淡綠色漸暈淡黃  
以次深淺至老黃色瓣之大小隨之

淺深暈正黃達外本由內恰如積盛者睥面盎於背

雪蓮臺



花心淡黃瓣純白中含嫩碧層起如臺對之覺寒  
香侵袂

白質非艷色一般秀氣鍾設以蓮華擬惟應太華峯

紫雲毬

花深紫瓣密而尖中小瓣層裹團結類西京紫繡  
毬種而差小

凌寒凝日精種疑來背明繡毬更何若令人緬西京

密蠟蓮

黃色微分老嫩簇疊如千葉蓮大六七寸許

層層千葉攢其大盈周尺堪方君子花肯共王孫陌

佛手黃

類鶯粟花心作黃金色瓣淡黃卷曲玲瓏狀如佛手

狀如兜羅綿不啻標十指設欲示迦葉轉恐拈不起

紅繖蓋

紺紅大尺許花心作紅點中碧簇以金黃瓣作偃

蓋亭亭與日華相映

一輪日可賒三徑霜還傲偃蓋稱亦得與松固同操

桂叢紫

徑尺許花瓣歲蕤單層作鱗次心正黃攢簇儼若  
金粟大如花之半

侔色擎金粟題品憶甌甕小山芳未歇雅合協塤簫

杏子黃

一名杏黃毬瓣細密圓厚起樓色如檀心暈而深

綠葉皆瓊纈黃花比杏能秋華復秋實真不愧家丞

麝香盃

花心深黃如桂叢紫瓣長而濶作正黃色香最郁  
烈大可七八寸形如覆盃

質是球琳質芳為都荔芳滿玉盃盛寶露豈復異瓊漿  
搓粉粧

作淡臘脂色如玉頰暈紅花之最嫵媚者

盛鬢飄闌掃笑靨暈唇脂夜來曉粧就格態相然疑

紫流蘇

紫瓣黃心縷縷紛披如綴瓔珞

葳蕤垂寶綴覩縷紫玉懸女夷作瓔珞惟應獻金仙

卷雲綃

花如玉樓春瓣勢旋轉縈拂作細疊羅紋之狀

詎出鮫人室應成織女機素娥雖耐冷裁作五銖衣

玉井蓮

一名銀佛座大五六寸厚三之二花心正黃似金

佛座而色白

粉畫未聞趙

孟頫

花疏亦漏稔

舍

莫驚終寂寞說項有昌

黎

金背紅

蓓蕾正黃開時正赤瓣面赤背黃乍開時紅赤相

間莖不甚高而朵亦差小

藏之不異赤相其宛亦金曰蓮必玉井方許結同心

粉玉環

與卷雲綃相似而差小色淺素瓣勢皆內擲累累  
如環然

連城擬趙玉終古並春蘭祇恨餐英往君王未賜環

碧霞剪

瓣尖削如紅綃剪成花心圓整黃中暈碧色與他  
種特異葉圓而小

月魄和霜伴霞衣稱體裁佩蘭徒釀酒故識非仙材

荔枝臺

花瓣二層作赤黃色花心凸起圓如彈丸中淡綠  
由深黃遞淺徑寸許厚如之宛然江家綠也

品入戴氏禮格擬陳家奇翻遍君謨譜如何此偶遺

鶴翎素

粉紅色瓣長而微曲大可六七寸披拂踰躑有鶴  
髦臨風之致

臨風素髦飄颻踰足有致羽客過叢前芝蘭本同契

賽姚黃



大尺許厚半之赭黃色花瓣作數層環抱糾結乃  
絕不類菊置之洛陽譜中庶幾彷彿

赭色如琥珀名稱

去聲

姚家黃却疑笑鼠姑難共凌秋霜

月露團

形色俱似繡毬花黃心數點隱瓣間瓣稍圓正視  
之若純白月色花光不可以色相求之

月光依素團露氣霏芳蕊香色有無中絕勝春園李

簇銀針

花心淡黃瓣長二寸許純白色銀毫細簇花狀特異

饒有冰雪姿略無錦綺縟性與磁石同銀針此非曲

海紅蓮

黃心密綴如毬近心皆作小瓣外卷筒稠疊瓣末稍大媽紅茜白比之朝日芙蓉形色俱肖

團毬簇稠疊卷筒舒蓓蕾韞韞殊艷然原出大紅海

倩牙盤

花心正黃瓣卷筒牙色微紅末淡黃如擲圍徑圓  
勻狀欲承露一名七寶盤

霍靡凌金颺丰茸香晚節便擬象牙為還免雷驚裂  
奪錦標

菊之類紅者特少此作正赤色俗傳狀元紅殆不  
及也

花赤擢柯青清標出衆亭恰如盧子發及第寄江寧  
紫霞觴

狀與碧霞剪相類而色微紫大亦過之

玼萼揚芳永珉枝作態斜  
灩灩承沆瀣真是泛流霞

蝶翅叢

花色純白起樓瓣銳下而圓上粉痕微縐栩栩如

蝶翅

蛤粉色初勻翩翾展輕翅  
春駒叢裏過乍難辨同異

鰓脂帶

花大尺許黃心中簇紅點  
小瓣十數繚繞其間邊

四垂稍重如結綬

匪垂帶則餘體物風人致雖循臙脂名而殊鄉嫫氣

金玉相

花心作黃金色瓣淨白如玉光質交映有類追琢  
綻蕊定秋金舒英更夜玉小窓几研閒足當葩經讀

青玉案

花心正藍類點翠瓣色白末作微紅於諸菊中此  
別饒幽韻

菴藹翠雲布猗那晞曜明摘毫得綺句見說有張衡

勝芙蓉

狀似木芙蓉而芊蒨過之花心淡黃色如裁錦襪  
粦瓣長而濶大可七八寸

拒霜亦耐秋自謂具貞性請君看此花乃可定負勝

鏤瓊盃

瓣各長二三寸抽管作白色漸暈粉紅疎密有條  
理狀若雕鏤

擬形惟間罽稱質以琳瑯如云浮大白雅合勸柴桑

玉燕翎

瓣細似簇銀針隱以褪紅色望之儼玉剪翻風差  
池其羽

素顏高還下銀甃整復斜乍疑春雨後玉剪掠梨花  
鶴頭丹

黃心五出似桂叢紫瓣赤如丹砂顆細莖長葉一  
名赤燕脂

玫瑰映日紅獨立韻金風比似胎仙頂翩翩度亦同

秋水霞

一名朝陽素花心淺白漸露微黃瓣作淡紅色如  
水色霞光在掩映間

落霞為氣韻秋水是精神若在滕王閣應逢腹藁人

顫紅翹

花徑尺黃心綠暈瓣卷筒初為粉紅色漸作紺紫  
瓊瑛櫛比如聚釵然



儀鳳將呈瑞舞鸞亦致榮雲翹如掠鬢合付董雙成

縷金葵

花心正黃瓣微淡垂如金縷與向日葵同色

綠葉扶黃花品格如衛足向日心不無附炎志所惡

晚酣霜

小黃心花紅如霜後木奴秋容欲醉

屈平早成詞羅含還有宅晚節正酣霜團團洞庭色

舞絳絲

似萬點紅瓣踈而細長不風自動裊裊遊絲菊中  
異品也

裊裊復脩脩遊絲萬點柔出奇雖別致一例總禁秋  
將之盤山駐蹕湯泉行宮作

右部哈薩克歸化侍衛挈其首領將至故往田盤  
令彼覲謁欲因携以行圍並至南苑大閱示我國  
家耿光大烈非為一己之豫遊實繫萬年之式度  
問

安啓蹕卓午駐旌聊詠七言用誌初頓

耆定伊犁車甲戢嶠山左右惠同叨扈行俾識朝家制  
大閱兼陳士氣豪垂拱待叅詎非逸覲揚永最敢辭勞  
問

安啓蹕初程近興引烟宮一染毫

晚陰

同雲過午散傍晚復濃陰耐可寒郊景那無望雪心影  
藏凍雀厦聲靜夕鴉林滿擬明朝路玉田埋麥鉞

曉行

問夜無端到曉晴  
輕輿道路破寒行  
甫田失望均鋪玉  
只染遙峯一幘成

怪底輕裘尚覺寒  
北山積素竄雲端  
因之為去聲憶玉關  
外佇待郵函報捷看

接踵雖頻覲蕃部  
繫頸平聲有待獻  
狃渠衝寒僕役休嗟

爾討逆官軍更厪予

自西峪取路登田盤  
至雙峯寺小憩

西峪曾一涉雙峯向顏廢施檀為重葺勒碑詩以記茲  
來取路便駐馬試小憇如來只如如何曾今昔異興廢  
及往來芥懣奚由置巖敞三古日窓納千巒翠策騎遵  
前途風鈴送行轡

法藏寺

路轉又殊勝精藍棲碧岑定光遙在望法藏此先臨山  
色皈真境禽聲出慧林盤龍松識我蒼翠滿庭陰

登定光塔作歌

詰旦登輿纔辨山迎人山色眉宇間過辰傷午至西峪  
猶隔千巖與萬壑體大物博固如是佛宇詎許人輕攀  
由來登峯須造極中道畫者奚足言崎嶇仄徑既歷盡  
我馬素慣了覺閒近塔益窄不可馬何妨拾級履屨頗  
徐無絕頂竟足底朔南形勝一覽全法華塔喻非我事  
祇覺憂民之念饒於前

雲罩寺

跋馬盤雲磴石林謾天風高處不勝寒颯景況臨冬我

忽憶萬里官軍奏膚功  
勃律雖稱臣堅昆待誅充傳蹕  
歸山莊佇覽達郵筒

駐蹕靜寄山莊

盤下層椒曠覽紆仙莊靜寄稱停居翠濃松栢開雲障  
玉削峯巒出紫蕖寒景宜人裁去聲冬孟山容別後又年  
餘起吟應是此間竄蘊藉為佳姑且徐

得概軒

迴榭全延勝明窓復向陽  
山禽不礙冷古樹只饒蒼蘄

野曠以遠民情耕與衆誰云曾得概惟是此難詳

朶山亭

調御手中荷不凋青色摩兒孫視華頂十丈此猶多

半天樓小坐

山樓號半天層構據崖巔極目誠曠矣騁懷亦與然信  
堪供攬景非欲事求仙舊詠聯新什自成今昔年

泠然閣

虛齋映日常含暖古樹無風亦有聲置此高懷一晌去



竭來仍是昔年情

雲林石室

披雲出蒼林倚石得靜室巖葩收藻緝澗葉皈寥謐虛  
牖隨所受會心在貞一六如真僧叅肥遯幽人吉我自  
皇皇者敢忘所無逸

雨花室

盤谷無風向暖暉翠紅不著任紛飛女夷天女都奚藉  
箇是壺公靜者機

題讀書樓

山樓一幰窓橫嵐靄朝夕常更誰謂倪黃畫意都成李  
杜詩情

受宜居

林深復石巖書屋可棲遲萬物備於我四時受所宜怡  
情惟翰墨謀耳足金絲小坐夕陽落分陰惜在茲

夕

山深易為夕冬孟日落早籟聲細古樹簷響紛歸鳥須

史總寂然寒靄諸峯表片刻閒亦佳一室清未了忽繾  
萬里軍清閒豈吾道

降旨分別緩徵徐泗等處積欠詩以紀事

大課疏排始追災惟厓田尚有汙萊登秋合是今年賦  
積欠難教衆力擡政拙催科爾休矣心勞撫字我同哉  
義經損益頻觀象留一分餘元氣培

婉孌草堂作

窓引瀑垂紳戶栽松作鱗寒山是本色絕代有佳人

杜用

甫何異李郭對

見董其昌婉  
變草堂圖跋

雅宜翰墨親遙帷寒趁暖

冬景閱歸真

題董其昌婉變草堂圖

婉變堂懸婉變圖印來親切了無殊好山總被思翁占  
合與田疇結友于

遊古中盤作

萬芙蓉裏聳祇園石護松籠宛識門上界遙看下界近  
入山寒峭到山暄都從韓愈文章得那藉道宗公案翻

七字促成鳴轡去  
崇情不盡箇中存

少林寺

少林纔隔嶺宛轉足千盤  
冰筋垂流細松濤翻響寒  
禪枝延慧日色界作空觀  
既曰應如何生法喜歡

上方寺

縈紆石棧彈鞭遲迴薄  
竒觀發藻思每到精廬必少坐  
半因憇衆半因詩

東竺菴

上方瞻定光猶在千峯頂非闕遊興闌大畧前朝領東  
竺縱稍紆槃阿有佳景曲折過幾障遂造真如境得逸  
身忘勞雖暫意為永何必論今昔看取風旛影

千尺雪題句

園門設瞭甲茶舍石牆邊常俯瀑如雪少言尺有千遊  
山歸適可樂水此于焉設以琴音擬吾將理化絃

唐寅品茶圖

可笑瑯琊不識茶酪奴將謂勝龍芽六如解事留真蹟

一再拈吟興致嘉

貯清書屋

造物無盡藏仙居此處多義皇存古貌峭蒨與天摩松  
色泉音裏春風秋月過自然詮易趣不必問田何

含遠樓

小閣三間迴且幽坐來暢好縱遙眸盤中盤阻無遺覽  
安得人逢李愿流

遊天成寺作歌

兩峯豁開一線天上籠却外古松下臨冰裏之飛泉詭  
石硤硤礪礪乃難為名狀經如是者千谿萬壑琳宮忽  
湧青雲巔我到天成亦已屢率訝初見無不生歡喜因  
悟過去未來現在實皆弗可得調御嘿然說如是而已

西甘澗

三間老屋倚嶙峋有水潺湲有石磷獨惜飲甘樂饑者  
率為方外比丘人

東甘澗



甘澗過西復到東山樓小坐韻松風大都幾折山蹊耳  
變態烟雲迴不同

望萬松寺未至

青雲羅落化人居知有奇峯菴碧疏我馬已勞不到可  
由來興亦欲留餘

再登半天樓

遊山趁幾閒四刻未為久園門臨瞭甲取便每從走門  
內即石泉過泉復岡阜是為西北障延緣達巔巖樓

乃構茲肩輿喜不陡虛窓向遠開翰席清憩偶向來所  
躋攀歷歷座中受靜者動之幾勞亦逸之母誰能忘筌  
蹄可與言空有

石林精舍

逕尋薺芝朶舍在碧瑤叢狹矣忽然豁輿如無不通寫  
應付倪瓚佳合是韓終詩就頻宣示中涓憊遞筒

漫題

向駐田盤五日常今來三日促歸裝山靈訝似雲深語

去聲 靜寄主人何太忙

池上居

疊石為碕岸貯水一泓泌居然成池塘池上雲房置春  
風下鷗鳬秋月出荷芰今來值冬孟潦盡露乾地信乏  
烟波態奚礙滄浪意

對瀑

貯水成方池池乃冬前涸引泉作飛瀑瀑自冰中落映  
窓垂玉紳幕巖展珠箔清聽愜靜眺繁會入蕭寞無數

此欣憑有源別興託

引勝軒

山水竄勝處開軒復引勝一二二而一動定靜亦定如  
張生色畫對以無心鏡便宜鏡中人領取冰光映

右部哈薩克及塔什罕城回人布魯特部首領胥  
來覲謁恰至山莊曲宴示恩點筆成什

罷爭歸化信堪嘉

見前詩

舉踵延頸

平聲

豈計遐

左部哈薩克距京師

萬里而贏至右部所居迤西去左部尤遠據云久懷歸  
化之心以被準噶爾所隔今始遂本願塔什罕布魯特

皆其毗連

遠部也

向日心殷身忘倦

侍衛携之乘傳而來日行三百里歷兩月之久方到

皆不言勞且惟忻踊躍稱真從日入處得到日出處也

敷天無外總為家詎期蔥

嶺殊言侶也厠田盤曲宴加南苑紆臨俾扈駕視前來

者肯教差

先是哈薩克布魯特來朝俱令扈從不蘭行圓今時當仲冬大閱因於盤山覲謁之次道

便携赴南苑俾得預

觀講武以均恩禮

輸忱乘傳走陪臣萬里餘程日六旬賜食山莊禮粗習

隨圍海子惠重申獻芹乃解歸俘黨賚幣何妨不受人

阿睦爾撒納之姪伊什扎布先為我兵所俘旋脫奔哈薩克又轉售於塔什罕城皆未知其為逆酋族屬也侍

衛蒙古爾代到彼識之告以其故遂縛來以獻與入覲人同至念其年幼無知且非逆首嫡子孫比因嘉回人執送畏懷懇誠特賜幣並勅釋還之自是開門胥識義應教漏網共懷

仁

烟郊行宮晚坐

惠遐南苑事經臨路便居停夕景侵壁什春巡剛瞥眼  
行雲流水兩無心

南苑行圍襍詠

盤谷迴鑾携貴山栢冬苑景益蕭閒先來大獮均曾預

上年左部哈薩克及今秋布魯特赴覲木蘭皆得隨獵  
今右部哈薩克等繼至携赴南苑閱武錫宴乘便行圍  
亦令其隨  
列預觀  
小狩應教視此間

草枯廣甸馬蹄輕疊中非誇技擅精驚喜從他遠方訝  
歡呼驗我衆人情

踈蕪淡靄接寒林勒馬凝思亦偶吟二十年前習獵我  
原無爾許創垂心

賜哈薩克布魯特等宴即席得句

烏孫掃淨玉門開受號爭先肯後哉獻馬不須金馬去

右宛今效左宛來踵前布露相伯仲

布魯特東西二部均於今秋覲謁而

回茲西部最遠者與哈薩克同至

罷戰康居總厠陪

塔什罕城回人先與哈薩克相爭今

脩好同來入覲

誰道蒲萄經歲久三巡早各醉芳醕

### 仲冬南苑大閱紀事

廿年一舉寧為數

乾隆己未大閱至今蓋廿年矣

周禮分明節候論便

設軍容示西域

時哈薩克布魯特塔什罕回人等皆令預觀

佇看露布靖堅

昆

過日盼將軍兆惠喜音殊切於懷

好齊以暇千旃颭既正還奇萬礮

喧風日晴和士挾纊非予恩也摠



天恩

南苑賜哈薩克布魯特塔什罕回人等觀烟火燈

詞

款闕定竿復存卽慶典頻繁舉仲冬為耀光明逮疏狄  
先陳曼衍引魚龍

燈火城南六十春

康熙二三十年間元宵蓋曾在南苑  
陳烟火後以建暢春園率於彼度節

不復在此觀燈  
者六十餘年矣

重觀因賚遠來人村民遙近扶攜至不

禁金吾例可循

百道流虹貝闕朝光明彷彿上元宵田蠡事例雖云早已盼霏空六出飄

後先接踵共來尊難學蕭王閉玉門爆響連珠成捷報

便期早晚定堅昆

時我師方圍葉爾奇木城日夜望捷音之至

風定時暄夜正長上弦魄影已騰光

時十一月初五日

周家建

子原正月想是嫦娥也為

去聲忙

鱗集應教一視同避寒燈火夜深烘高張黃幕三巡罷

訝似清涼萬樹中

山莊三十六景內無暑清涼後即萬樹園過來觀燈火宴遠蕃之處

翠火明燈玉樹攢化城蜃閣絳雲端元宵預借休相擬  
惠遠寧為好樂觀

萬幕高竿揭野燈半輪真是一條冰肩輿宴罷還行館  
惕夕因心畏益增

王蒙泉聲松韻圖

松如問道誰為侶泉似答言可作朋我昨田盤一遊目  
於斯每覺得相應

淑清院

地是勝朝地名傳昭代名

淑清院本康熙年間  
皇祖所命名也

假山如

太古活水似橫庚愛聽禽音淑閒看花氣清玩辭知取  
義仰見

聖人情

劉度仿范寬雪景

玉巘朱樓聳古林靈源不凍落雲深善傳北宋雄渾法  
益引三冬渴望心

栢林寺拈香

柏林古刹炳長安歲久棖題惜廢殘況是近鄰

躍龍郎特教重煥散花壇綵衣隨喜思依

怙

萱祀延釐合施

去聲

檀佛法故當忘

平聲

一切於斯云忘

去聲

我誠難

### 黃鼎溪山行旅

溪路山程繚且紆青帘野店有招呼如斯行旅猶稱苦

萬里從軍可忘乎

時官軍征勦逆獮  
並盼捷音之至

# 我軍

我軍取烏什酋長款復獻

阿奇穆霍集斯伯克阿奇穆伯克者回語大頭目霍集斯

其名也

元戎乘良機率衆直前進其奈隆冬時枯草經蹂

躡以此馬不肥奚堪供斫陣況臨彼巢穴螳臂孤注奮  
借一誘我軍萬騎逞驅趁我師纔千餘鼓勇無退寸橋

圯度四百忠義人爭勸殺賊至千餘矢盡接短刃涉淖

退保營相持城下賴

十月六日我師直薄葉爾奇木城賊緣邊畫溝立隊自固我師以少

擊衆所向披靡三戰殲獲甚夥賊擁竄入城不出將軍  
兆惠以賊游牧在城南英我奇盤山計乘虛襲賊輜重

制賊十三日取道城東渡河未及半而橋圯我師過河者纔四百騎遇賊馬步萬餘張左右翼來戰而地皆沮洳人馬不能如志且戰且踰河退保大營雖遇挫衄而人知効命殺賊千餘我四百人中纔傷一百時營中餘二月餘糧高壘深壕以待集師協勦壯士遴七人星馳兩致信

將軍遣索倫侍衛五

十保等兩次賈勇突出遇賊衆遮道者戮之齎奏達阿克蘇城時叅贊大臣舒赫德駐守因令五十保馳驛迎趣援師且直抵京城面奏軍營情事俟師齊即率以赴援舒赫德留守諸回靜以鎮

羽檄催後師繼進期颺迅畢齊阿克蘇赴援雪深恨夷考兵興來曾無遭挫韌此番客主殊不幸致事債兆惠稱輕敵請罪誠不吝此非退縮比誰逆料利鈍終能寡

勝衆允由効忠蓋奚忍更加罪褒嘉章服晉諸臣諸軍

士行賞以功論

命兆惠由伯爵晉封武毅謀勇一等公加賜寶石帽頂四國龍補服餘大臣升

兵等封賞優叙有差

晝夜促後軍直前金鼓振欲藉士敵愾

今夏特命

派索倫察哈爾健銳營及陝甘綠旗兵繼進已過關展而將軍富德叅贊大臣舒赫德等聞此信各羽檄催進其領軍大臣侍衛等無不切齒逆徇寢皮食肉人人同恨計十二月中可至葉爾奇木

仰冀

天助順捷音共春來平回鴻績建

題王淵三白獻瑞圖

石仿芍藥不須欄素質全勝湖纈丹

出花譜

栩栩采香來



粉翅嚶嚶顧影刷銀翰愛他名寓祥花卜屬我望殷瑞  
葉攢忖度人心故應爾寧當一例畫家看

冬至

南郊述事

金鳳占風來廣漠鴻龍轉律啓韶陽六宗依典修元祀  
一意惟欽對

吳蒼澤國幸邀

賜豐稔

今年豫東江南各屬以水利工竣咸獲豐稔

頑犴更冀靖狂猖背恩

戕使先開釁

逆徊大小兩和卓木為厄魯特拘繫有年矣自大兵定伊犁始釋其囚俾長故地乃

狼子野心竟致反噬戕我副都統阿敏道蒙由逆啓申討非得已也曲直間惟

帝鑒詳

陸治寒梅夜月即用其韻

誰知雪裏香却是月中影江上倚黃昏冰心不覺冷

苦衷

苦衷曾已賦西師孰謂頑獍尚守持當俎刀操終必割  
在弦矢發可容遲獨慙

天與人歸會竟致窮兵黷武嗤師直理長觀事定目前  
浮論付憑伊

王淵摹黃筌竹雀圖

露卉烟筠有態山禽秋蝶無名前人圖畫一做大塊文  
章自成

除夕

璣衡臨宿歲簫鼓又迎年大吉圖金薄宜春換綵箋詩  
重詠貞觀心遠憶于闐佇共東風裏三軍奏凱旋



御製詩二集卷八十二